

Vegagerðin
Hilmar Finnsson
Borgartúni 7
105 Reykjavík

2001020001
1300; 9310

Reykjavík, 4. september 2001
/--

Efni: Álftanesvegur og Vífilsstaðavegur í Garðabæ. Ákvörðun um tillögu að matsáætlun.

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Garðabæjar og Vegagerðarinnar að matsáætlun um Álftanesveg og Vífilsstaðaveg.

Skipulagsstofnun barst með bréfi dags. 19. júlí 2001 tillaga Garðabæjar og Vegagerðarinnar að matsáætlun:

Garðabær og Vegagerðin. Álftanesvegur og Vífilsstaðavegur í Garðabæ.
Tillaga að matsáætlun. Hönnun verkfræðistofa, júlí 2001.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Bessastaðahreppi, Garðabæ, Heilbrigðiseftirliti Hafnarfjarðar- og Kópavogssvæðis, Hollustuvernd ríkisins, Náttúruvernd ríkisins, samvinnunefnd um svæðisskipulag á höfuðborgarsvæðinu og Þjóðminjasafni Íslands. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir og athugasemdir frá eftirtöldum aðilum: Bessastaðahreppi með bréfi dags. 24. júlí 2001, Garðabæ með bréfi dags. 14. ágúst 2001, Heilbrigðiseftirliti Hafnarfjarðar- og Kópavogssvæðis með bréfi dags. 25. júlí 2001, Hollustuvernd ríkisins með tölvupósti dags. 1. ágúst 2001, Náttúruvernd ríkisins með bréfi dags. 25. júlí 2001, samvinnunefnd um svæðisskipulag á höfuðborgarsvæðinu með bréfi dags. 10. ágúst 2001 og Þjóðminjasafni Íslands með bréfi dags. 27. júlí 2001. Einnig barst

athugasemd frá Jóni Lárussyni og Birni Erlendssyni, með tölvupósti dags. 17. júlí 2001. Skipulagsstofnun bærust einnig frekari upplýsingar frá framkvæmdaraðila í kjölfar umsagna með bréfi dags. 29. ágúst og tölvupósti 30. ágúst 2001.

NIÐURSTAÐA SKIPULAGSSTOFNUNAR

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt þeim umsögnum og athugasemdum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með eftirfarandi athugasemdum.

Lýsing á framkvæmd og öðrum kostum

Efnistaka . Í tillögu framkvæmdaraðila að matsáætlun, kafla 2.3 er fjallað um efnistöku.

Efnisþörf er áætluð 120.000 m³ umfram skeringar. Í frekari upplýsingum frá framkvæmdaraðila kemur fram að í matsskýrslu verði taldar upp þær námur sem m.a. komi til greina. Skipulagsstofnun vekur athygli á að efnistaka úr námum vegna framkvæmdarinnar kann að vera tilkynningarskyld sbr. 2. tl. 2. viðauka laga nr. 106/2000 um mat á umhverfisáhrifum. Sé svo kann að þurfa að vinna sérstakt mat á umhverfisáhrifum fyrir hvern efnistökuastað.

Valkostir vegleiða. Í tillögu framkvæmdaraðila að matsáætlun, kafla 3, er fjallað um kosti vegleiða. Fram kemur að um er að ræða hluta af áður samþykktri framkvæmd sem úrskurðuð hafi verið í frekara mat á umhverfisáhrifum á grundvelli eldri laga nr. 63/1993 um mat á umhverfisáhrifum. Leiðir A og D, sem nú eru kynntar, séu frábrugðnar áður samþykktri leið B á kafla sem aðgreindur er með punktunum X og Y. Ekki þurfi að fjalla um veglínuna utan þessa kafla. Í nýrri matsskýrslu verði því eingöngu fjallað um þennan hluta.

Skipulagsstofnun fellst á að þeir valkostir, á milli X og Y, sem kynntir eru í tillögu að matsáætlun verði teknir til umfjöllunar í matsskýrslu. Engu að síður telur Skipulagsstofnun æskilegt að greint verði frá áhrifum framkvæmdarinnar á þeim köflum sem þegar hefur verið fallist á í mati á umhverfisáhrifum svo samhengi þess kafla sem nú er til umfjöllunar, við áður samþykktan hluta komi greinilega fram.

Lýsing á því hvernig fyrirhugað er að standa að mati á umhverfisáhrifum

Rannsóknaraðferðir. Í viðbótarupplýsingum frá framkvæmdaraðila var gerð grein fyrir tímasetningu og rannsóknaraðferðum athugana á gróðri, fuglum, jarðmyndunum og fornleifum. Skipulagsstofnun gerir ekki athugasemdir við þá gagnaöflun en bendir á *mat á áhrifum vegaframkvæmda í þéttbýli á hljóðstig* , drög að leiðbeiningum á meðfylgjandi blaði. Hvatt er til þess að drögnum verði fylgt eftir því sem við á.

Hólmfríður Sigurðardóttir

Sigurður Ásbjörnsson

Samrit:

Garðabær, Eiríkur Bjarnason

Afrit :

Hönnun b.t. Jóhönnu Weissappel, Bessastaðahreppur, Garðabær, Heilbrigðiseftirlit Hafnarfjarðar- og Kópavogssvæðis, Hollustuvernd ríkisins, Náttúruvernd ríkisins, samvinnunefnd um svæðisskipulag á höfuðborgarsvæðinu, Þjóðminjasafn Íslands og Björn Erlendsson.

